



三十二

服部文庫
117
381
5



117
381
5

翻譯名義集五

姑蘇景德寺普潤大師

法雲



編

德秘藏篇第四十九

法寶衆名篇第五十

四十二字篇第五十一

名句文法篇第五十二

增數譬喻篇第五十三

半滿書籍篇第五十四

三德秘藏篇第四十九

光明玄云法身般若解脫是為三常樂我淨是為德
無二生死為常不受二邊為樂是八自在為我三業
清淨為淨章安疏云法身之身非色非無色非色故
不可以形相見非無色故不可以心想知雖非色而
色充滿十方雖非非色亦可尋求即法身德般若德
者非知非字亦非不知非不字云解脫德者非縛非

翻譯卷五

脫非縛而縛非脫而脫云云哀歎品曰云何名為秘密之藏猶如伊字三點若並則不成伊縱亦不成如摩醯首羅面上三目乃得成伊三點若別亦不成伊我亦如是解脫之法亦非涅槃如來之身亦非涅槃摩訶般若亦非涅槃三法各異亦非涅槃我今安住如是三法為衆生故名入涅槃章安釋云若約昔教隱故名秘密覆故名藏謂無常等覆於常等令常等隱名秘密藏今經開敞如月處空清淨顯露不如昔教但以正法微妙不可思議絕名離相衆生不解名為秘密法界包含攝一切法用不可盡名之為藏今釋秘密藏文為三一譬三點二譬三目三合以三德此之三文一往而言是從事入理三點是文字此約言教

見三字體篇三目是天眼此約修行見譬篇三德是佛師此即約理又是佛印印於教行凡有言說與此相應即秘密教修習相應是秘密行證得相應是秘密理從我今安住下是第四結秘密藏安住三法是結三德入大涅槃結秘密藏占察經云復次彼心名如來藏所謂具足無量無邊不可思議無漏清淨之業以諸佛法身從無始本際來無障無礙自在不滅勝鬘經明二如來藏一空如來藏謂若離若脫若異一切煩惱藏二不空如來藏謂具過河沙不離不脫不思議佛法南岳止觀云去空如來藏以此心體平等妙絕染淨之相非直心體自性平等所起染淨等法亦復自性非有二不空如來藏所謂具有染淨二法以明不

空淨法中復有二種一具足無漏性功德法二具足
 出障淨法染法亦二種一具足染性二具足染事淨
 覺說題云應知二種約在纏出纏二義分之故彼經
 云若於無量煩惱藏所纏如來藏不疑惑者於出無
 量煩惱藏法身亦無疑惑也居士圓覺疏云空如來
 藏即無住本不空如來藏即所立法此二釋違南岳
 止觀又起信云一者如實空以能究竟顯實故賢首
 釋云此以如實之中空無妄染非謂如實自空此則
 如實之空以妄空故遂能顯示真理故云顯實二者
 如實不空以有自體具足無漏性功德故賢首釋云
 此有二義一異妄無體故二異恒沙有流煩惱故
 佛性論偈云由客塵空故與法界相離無上法不空

與法界相隨圭山略疏三義釋藏一隱覆名藏二含
 攝名藏三出生名藏又略鈔明五種一如來藏在纏
 含果法故二自性清淨藏在纏不染故此二就凡位
 說三法身藏果位為功德所依故四出世間上上藏
 出纏超過二乘菩薩故此二就聖位說五法界藏謂
 通因果外持一切染淨有為故名法界內含一切恒
 沙性德故名為藏僧道注金剛三昧云如來藏者住
 自性真如也諸佛智地名如來藏能攝一切有情在
 如來智內故名為藏有情感染煩惱無明所覆名有
 情境若無明惑染境空諸識不起境如故名如來智
 智如故即如來藏長水釋楞嚴云如來藏四義喻海
 一永絕百非如海甚深二包含萬有如海廣大三無

德不備如海珍寶因無法不現如海現影又尼捷經云王名嚴熾有太薩遮來入其國王出遠迎乃為王說大王當知依煩惱身觀如來身何以故此身即是如來藏故一切煩惱諸垢藏中佛性滿足如石中金木中火地中水乳中酪麻中油子中禾藏中金模中像孕中胎雲中日是故我言煩惱之中有如來藏涅槃論云身外有佛亦不密身內有佛亦不密非有非無亦不密衆生是佛故微密涅槃云如人七寶不出外用名之為藏其人所以藏積此寶為未來故所謂穀貴賊來侵國值遇惡王為用贖命準四念處乃是別圓自有常任財難得時乃當出用諸佛祕藏亦復如是為未來世諸惡比丘畜不淨物為四衆說如來

畢竟入於涅槃讀誦外典不教佛經如是等惡出現世時為滅諸惡為說是經是經若滅佛法則滅神智

有單複所言複者謂乘及戒若言不許畜八不淨此是戒門事門若說如來畢竟涅槃及應外典此是乘門理門由無乘戒失常住命若欲令學者通達異名

識自秘藏摩訶般涅槃此云大滅度大

脫度即般若大經云涅言不生槃言不滅不生不滅名大涅槃楞伽云我所說者妄想識滅名為涅槃摩

師涅槃論曰秦言無為亦名滅度無為者取其虛無寂寞妙絕於有為滅度者言其本患永滅超度四流

斯蓋鏡像之所歸絕稱謂之幽宅也法華金剛皆云滅度矣三藏翻為圓寂賢首云德無不備稱圓障無

不盡稱寂。幸山正名寂滅。準肇公云。泥洹盡諦者。豈直結盡而已。則生死永寂滅。故謂之盡矣。或翻安樂。凡聖大小皆有涅槃。或名彼岸。肇師云。彼岸涅槃岸也。彼涅槃岸。豈崖岸之有。以我異於彼。故借我謂之耳。智論云。槃名爲趣。涅槃名爲出。永出諸趣。故名涅槃。或名泥洹。如嚴佛調云。佛既泥洹。曰微言求絕。新云梵本正名波利昵縛喃。此云滅度。二教論云。涅槃者常恒清涼。無復生死心。不可以智知。形不可以像測。莫知其所以名。強謂之寂。其爲至也。亦以極哉。縱其雙林息照。而靈智常存。體示闡維。而法身恒在。然涅槃法若辨其義。應分有餘無餘之殊。當揀少分究竟之異。言有餘無餘者。光明玄云。若三界煩惱盡。證有餘

涅槃。於身灰智入。無餘涅槃。言少分者。勝鬘經云。知有餘苦。斷有餘集。證有餘滅。修有餘道。是名得少分。涅槃得少分。涅槃者名。向涅槃界。究竟涅槃者。大法鼓經云。乃至得一切種功德。一切種智。大乘涅槃。然後究竟法華云。不令有人獨得滅度。皆以如來滅度而滅度之。初發大心。當期究竟。故輔行云。菩薩初心。常觀涅槃。自行初修也。亦令衆生常觀涅槃。化他初修也。安置諸子。秘密藏中。化他後入也。我亦不令自住其中。自行後入也。故知自他初心。無不皆修。自他後心。無不皆入。若欲修入。當依四法。故涅槃云。有四法爲涅槃。近因。一。近善知識。二。聽聞正法。三。思惟其義。四。如說修行。若言勤修苦行。是涅槃近因。緣者。無

有是處。一近善知識者。止觀釋曰。大品云。佛菩薩羅漢。是善知識。六波羅蜜。三十七品。是善知識。法性實際。是善知識。佛菩薩等。威光覆育。即外護也。六度道品。入道之門。即同行也。法性實際。諸佛所師。即教授也。二聽聞正法等三句。即三慧也。華嚴云。我或為衆生。說聞慧法。或為衆生。說思慧法。或為衆生。說修惠法。故楞嚴云。從聞思修。入三摩地。真諦云。散心名覆器。無聞慧故。忘心名漏器。雖得而失。無思慧故。倒心名穢器。非而謂是。無修慧故。淨名疏云。聞若不聽。無受潤因。聽而不思。無深旨趣。思而不修。終無證理。三慧若備。入道不疑。荆溪釋云。念前聞思所依之境。當如聞思而修行之。應知三慧有橫有豎。橫則名字已

上位位有之。豎則名字為聞。觀行為思。相似為修。三慧具足。能得相似分真之定。名入秘藏。

法寶衆名篇第五十

光明玄云。至理可尊。名曰法寶。論曰。般若是一法。佛說種種名。為諸衆生類。隨緣立異字。如金體。一似器用。殊銀釧。順人之好別。餅盆隨時之應。殊雖千化。以暫分而一性。以不變故。曰泥洹。真法寶。衆生從種種門入也。

達磨

此翻為法。唐明濟云。

契之於心。然後以之為法。在心為法。形言為教法。有自相共相。教乃遮詮表詮。天台明法。廣有八種。一教。二理。三智。四斷。五行。六位。七因。八果。略言三義。謂教行理。如闡義云。以約修行。始終三義。收盡。謂依教修。

行行成契理。若以位分約教。屬名字位。人稟教生解。故約行屬觀行相似。依解修行。故約理在初住。分證本理。故然於約行復須從容。若論造修。猶居名字的。取行成方。名觀行。凡當辨位。須知此旨。若約能詮所詮。但明教理。二教論曰。教者何也。詮理之謂也。理者何也。教之所詮。教若果異。理豈得同。理若必同。教寧得異。筌不期魚。蹄不為兔。將謂名乎。妙樂云。教有二種。詮理之教無二。表行之教自分。詮理之教者平等。真法界佛不度眾生。表行之教者。祇由忘智親疎。致使迷成厚薄。青龍疏云。有教行證。名為正法。有教有行。無證名像法。像者似也。但有於教而無行證。名為未法。行事鈔云。顯理之教。大分為二。一謂化教。此則

通於道俗。二謂行教。亦名制教。唯局於內衆。大乘入楞伽云。教由理。故成理由教。故顯。當依此教理。勿更餘分

別。達磨馱都。此云法界妙樂云。所詮無外。故名法界。賢首云。依生聖法。故云

法界。清涼云。法界者。一切眾生身心之本體也。起信云。心真如者。即是一法界。大摠相。法門體。所謂心性不生不滅。一切諸法。唯依妄念而有差別。淨名云。從無住本立一切法。天台釋云。若迷無住。則三界六道紛然而有。則立世間一切諸法。若解無住。即是無始無明。反本還源。發真成聖。故有四種出世聖法。普明玄云。世者為三。一五陰。二眾生。三國土。世是隔別。即十法界之世。亦是十種五陰。乃至依報。隔別不同。

也。間是間差三十種，世間差別，不相謬亂，故名爲間。各各有因，各各有果，故名爲法。各各有界，畔分齊，故名爲界。今就一法界，各有十法，所謂如是性相等。十界即有百法。十界互相有，則有千法。如是等法，皆因緣生法。六道是惑，因緣生法。四聖是解，因緣法。諸因緣法，即是三諦。因緣所生法，我說即是空，亦名爲假名，亦名中道義。清涼新經疏云：統唯一真法界，謂摠該萬有，即是一心。然心融萬有，便成四種法界。一事法界，界是分義。一一差別，有分齊故。二理法界，界是性義，無盡事法，同一性故。三理事無閼法界，真性分義，性分無閼故。四事事無閼法界。一切分齊事法。一一如性融通，重重無盡故。

阿耨多羅三藐三菩提

肇論曰：秦言無上正徧知道，莫之大無上也。其道真正，無法不知。正徧知也。苑師云：阿此云無。耨多羅翻上。三藐翻正也。三徧也。等也。菩提覺也。孤山疏云：極果超因，故云無上。正則正觀中道，等則雙照二邊。蓋果上三智也。發軔云：無上，是理。正等覺，是智。正謂正中，即一切種智寂滅相也。等謂平等，即行類相見如實知也。裴相國云：是諸佛所證最上妙道，是衆生所迷根本妙源。故凡夫流浪六道，由不發此菩提心，故今得入身，起慶幸意，當須秉心對佛像，前燒香散華，三業供養，立四弘誓，發成佛心。故華嚴云：菩提心者。

名爲種子。能生一切諸佛法。故發此心者。須識其體。體有二種。一曰當體。二曰所依體。其當體者。所謂悲心。智心。願心。此三種心。乃是當體。所依體者。自性清淨。圓明妙心。爲所依體。性自具足。号如來藏。惑不能染。智無所淨。虛寂澄湛。真覺靈明。能生萬法。号木事。但由群生。又迷此性。唯認攀緣。六塵影像。乍起乍滅。虛妄之念。以爲自心。一迷爲心。決定惑爲色身之內。不知色身外。洎山河虛空大地。咸是妙明真心中物。此之心體。如肇師云。微妙無相。不可爲有用。之彌勤。不可爲無度。一切諸佛境界。經文殊言。菩提者。無形相。無爲云。何無形相。不可以六識識。故云。何無爲。無生住滅。故裴相國云。性含萬德。體絕百非。如淨月

輪圓滿。無缺。惑雲所覆。不自覺知。妄惑既除。真心本淨。性含萬德。故在聖不爲得體。絕百非。故居凡不爲失。然欲發此心者。當運慈悲。而爲宗要。故華嚴海雲比丘。告善財。言發菩提心者。所謂發大悲心。普救一切衆生。故發大慈心。等祐一切世間。故一切群衆。本無生死。妄風飄鼓。汨沒苦海。今發大願。黑暗崖下。誓作明燈。生死波中。永爲船筏。此起悲心。拔衆生苦。一切凡夫。本性具足。性淨功德。今迷寶藏。貧窮孤露。今啓洪願。誓與群萌。無上佛果。究竟之樂。如一衆生。未成佛終。不於此取泥洹。願舉修途之初步。宜運成山之始。贊崇德廣業。不倦終之。
黃住大覺有王仁林垂
 訪問曰。佛道若云。易成。
 經云。佛道長遠。久受勤苦。乃可得成。若云。難成。安云。
 一稱南無佛。皆已成佛。道余。即答曰。性則見本。是

佛依自圓修乃易昧性則欲求作
佛依他別修乃難慕圓宗者起信
樂心纏舉念時已作如來真子如
回向際便成無上菩提

菩提

肇師云
道之極

者稱曰菩提秦無言以譯之後代諸師皆譯為道以大論翻為佛道故今問如周易曰立人之道曰仁與義此則儒宗仁義為道莊子曰虛靜恬淡寂寞無為者天地之平而道德之至此則道家以虛無為道今釋氏宗以何為道答曰般舟經云諸佛從心得解脫心者清淨名無垢五道鮮潔不受色有解此者大道成是知吾教以心為道心乃自性清淨心也其體湛寂其性靈照無名無相絕有絕無心不能思口不能議褒美稱為第一義諦或者問曰如淨名云菩提者不可以身得不可以心得今安以心而為道耶答究

乎菩提非身心者如肇師云無為之道豈可以身心而得乎故度一切佛境界經云菩提者不可以身覺不可以心覺何以故身是無知如草木故心者虛誑不真實故是故菩提非身心也然淨名中却云諸佛解脫當於衆生心行中求者天台釋云今觀衆生心行入本性清淨智窮衆生心源者即顯諸佛解脫之果如勤求水不得離冰寒雖結水成冰暖則釋冰為水故華嚴云若能善用其心則獲一切勝妙功德凡夫由昧心源故隨妄念能於妄念深照性空名解大道故華嚴云體解大道發無上心此心智發能為佛母号曰智度是故智度亦名大道故大論云智度大道佛善來如用此智修習萬行其所修法亦名大道

故法華云為滅諦故修行於道由道是心其性虛通
徧一切法無非是道如金色女問文殊云何謂為道
答曰汝則為道又喜根云媯欲即是道恚癡亦復然
如此三事中無量諸佛道今問媯事穢汚佛道清淨
安指穢事名為淨道答觀媯怒癡相同水月了染淨
體性如虛空遇順無著逢違不瞋於惡境界得解脫
門乃行非道通達佛道是名無礙人一道出生死若
起凡見成地獄業如熱金圓取必燒手如是無為名
道人
阿婆磨 大論翻云無等等佛名無等般若
也 波羅蜜利益眾生全與佛相似故
名無
目帝羅 此云解脫荆溪淨名記云若正用
等等 功上可作古買切下作耻活切功

成之日上應作戶買切下應作徒活切智論云解脫
知見者用是解脫知見知是二種解脫相有為無為
解脫知諸解脫相所謂時解脫不時解脫慧解脫俱
解脫壞解脫不壞解脫不可思議解脫無礙解脫等
分別諸解脫相牢固是名解脫知見無減云問曰解
脫知見者但言知何以復言見答言知言見事得牢
固譬如繩二合為一則牢堅復次若但說知則不攝
一切慧如阿毗曇所說慧有三種有知非見有見非
知有亦知亦見有知非見者盡智無生智五識相應
智有見非知者八忍世間正見五邪見有亦知亦見
者餘殘諸慧若說知則不攝見若說
見則不攝知是故說知見則具足
阿惟顏 法應

師引十地經謂一生補處阿鞞跋致亦名阿惟越致此云

入空位不退入假行不退入中念不退妙樂云般若

是位離二死故解脫是行諸行具故法身是念證實

境故智論云無生忍法即是阿鞞跋致地臆地此云依法華疏云利

涉有忍辱為基濟他以忘我為本能行三法大教宜

通即世間依止名為法師垂裕記云皆言依者以內

有道法可為人天依止依者憑也於佛滅後憑此四

人取解故也涅槃四依品云有四種人能護正法為

世所依初依示為小乘內凡像故經云具煩惱性能

知如來秘密之藏二依示為須陀洹像三依示為斯

陀舍阿那含像四依示為阿羅漢像智者云涅槃四

依義通別圓若作別義者如古師云地前名初依登

地至三地名須陀洹五地名斯陀舍是第二依七地

名阿那含是第三依八地至十地名阿羅漢是第四

依若作圓義者準望別教以往前為初依十住為三

依又始終判者五品六根為初依十住為二依行向

為三依十地等覺為四依四果配位別可見此人

四依二行四依律明糞掃衣長乞食樹下坐腐爛藥

此四種行上根利器所依止故三法四依涅槃云依

法不依人依義不依語依智不依識依了義經不依

不了摩訶衍大論云摩訶此含三義謂大多勝

義經摩訶衍是乘也勝鬘云摩訶衍者出生

明釋卷五

一切聲聞緣覺世出世間善法世尊阿耨多羅三藐三菩提出四
大河起信云摩訶衍者摠說有二種一者法二者義
所言法者謂眾生心是心則攝一切世間
出世間法依於此心顯示摩訶衍義云
陀羅

尼 大論秦言能持集種種善法能持令不散不失
譬如好器盛水水不漏散惡不善根心生能遮

令不生若欲作惡罪時持令不作是名陀羅尼肇翻
摠持謂持善不失持惡不生又翻遮持輔行云體遮
三惑性持三智熏聞云遮二邊之惡持中道之善此
從慧性立名闡義云然則陀羅尼既是梵語呪字即
當華言經題華梵雙標故云陀羅尼呪若爾何故云
陀羅尼翻遮持耶答古人見秘密不翻例如此土禁

呪等法便以呪名徃翻然亦不失遮持之義何者呪
既訓願如菩薩四願一願拔苦即遮惡義二願與樂
即持善義大論明三陀羅尼一聞持陀羅尼得此陀
羅尼者一切語言諸法耳所聞者皆不忘失即是名
持二分則知陀羅尼得是陀羅尼諸眾生諸法大小
好醜分別悉知故分別陀羅尼即是義持三入音聲
陀羅尼得此陀羅尼者聞一切語言音聲不喜不瞋
一切眾生如恒沙等劫壽惡言罵詈心不憎恨一切
眾生如恒沙等以讚歎供養其心不動不喜不著是
為入音聲陀羅尼即是行持也法華明三陀羅尼一
旋陀羅尼二百千萬億旋陀羅尼三法音方便陀羅
尼淨名疏釋云旋者轉也轉假入空得證真諦百千

萬億者即是從空入假旋轉分別破塵沙惑顯出
恒沙佛法法音方便者即是二觀方便得入中道

薩怛多般怛羅 資中曰相傳云是白傘蓋
喻如來藏性本無染穢覆

有情蘇盧都訶 此云梵音決定毗婆尸佛說
此一呪治一萬八千種病

胡蘇多 此云除一切鬱蒸熱
惱式棄佛所說呪 蜜奢梵 此云

隨葉佛所說呪四拘留秦佛說金剛幢呪五拘那舍
牟尼佛說名聲振十方呪六迦葉佛說拯濟群生呪

七釋迦世尊說 阿牟伽瞞賒 此云不
空胃索 咀

你也他 或咀姪他
此翻所謂 娑婆訶 或該訶此翻善
說又云散去

薩婆若多 般舟名薩雲若大論云秦言一切
智相因名般若果名薩婆若大品

云薩婆若是聲聞辟支佛智道種智是菩薩摩訶薩
智一切種智是諸佛智經曰欲以一切智斷煩惱習

當習行般若波羅蜜論問一心中得一切智一切種
智斷煩惱習今云何言以一切智具足得一切種智

以一切種智斷煩惱習答實一切智一時得此
中為令人信般若波羅蜜故次第差別品說 尔

焰 或名爾炎此云所知又云應知又云境界問如
大論云是時過意地住在智業中華嚴安云普

濟諸含識令過爾酸海者由此能知之智照開所知之境是則名為過爾焰海故楞伽經第一曰智爾焰得向此乃全由其境

多伽梢 或多伽羅此翻根以成其智名智業中

薩母淨名疏云智度即是實智實智有能顯出法身之力故如母能生實智亦名如理智正觀真諦如理而知則無顛倒攝論云順理清淨名如理智十八空論云如理智即無分別智亦名正智又名真智又名根本

遍和俱舍羅 此云方便維摩云方便智之別用耳智以通幽窮微決定法相無知而無不知謂之智也雖達法相而能不證處有不失無在無

不捨有真空存德彼我兩濟故曰方便淨名疏云方便是權智權智外用能有成辦如父能營求長成所言權智亦名如量智攝觀俗諦如事數量則攝一切

俗智又名後得智佛性論云又此二智有二種相一者無著二者無礙言無著者見眾生界自性清淨是如理智相也言無礙者能通達觀無量無邊諸世界故是如量智相也又如理智為因如量智為果言為因者能作生死及涅槃因言為果者由此理故知於如來真俗等法又如理智是清淨因如量知者是圓滿因清淨因者由如理智三惑滅盡圓滿因者由如量智三德圓滿又如理智即一心之體為因如量智

即一心之用為果二教論云釋氏之教理富權實有餘不了稱之為權無餘了義是之為實由此權實二智而設權實二教也北山云真道焉可以修身權道焉可以御化真道不可以暫廢故混而不泯權道不可以久立故捨而舍道也

四十二字篇第五十一

此錄字母法門通言門者以能通為義妙玄明四種門一文字為門如大品四十二字二觀行為門釋論明修三三昧等三智慧為門法華云其智慧門四理為門大品云無生法無來無去言四十二字者補注頌曰阿囉波遮那邏陀 婆茶沙和多夜叱 迦婆磨伽他闍鞞 馱奢呿叉哆若施 婆車摩火嗟伽

他 擊頰歌醴遮叱茶 大品云菩薩摩訶薩摩訶衍所謂字等語等諸字入門智論云四十二字是一切字根本因字有語因語有名因名有義若聞字因字乃至能了其義是字初阿後茶中有四十南岳釋字等者謂法慧說十住十方說十住者皆名法慧乃至金剛藏亦復如是言語等者十方諸佛說十住與法慧說等乃至十地亦復如是又一切字皆是無字能作一切字是名字等發言無二是名語等一切諸法皆互相在是名諸字入門等也前是事釋次是理解華嚴善知眾藝童子告善財言我恒唱持此之字母入般若波羅蜜門清涼疏曰字母為眾藝之勝書說之本故此偏明之文殊五字經云受持此陀羅尼

即入一切平等速得成就摩訶般若。纔誦一遍如持一切八萬四千修多羅藏。阿上提

秦言初阿耨波陀秦言不生天品云阿字門一切法從初求不生。教論曰萬化本於無生而生。生

者無生。三才肇於無始而始。始者無始。然則無生無始。物之性也有化有生。人之聚也。中論云諸法不自

生亦不從他生。不共不無因。是故說無生。止觀云若心具者。心起不用緣。若緣具者。緣具不關心。若共具

者。未共各無共。時安有若離具者。既離心。離緣。那忽心具。今問佛教因緣為宗論。遣共生。應屬所破。耶答

單真不立。獨妄難成。因緣和合。從顛倒說。今觀實相。豈可順迷。故曰應照理體。本無四性。又復自行。雖離

四執。化他無妨。四說經說自性云。三界無別法。唯是一心作。經說他生云。善知識者。是大因緣。或云五欲

令人墮惡道。或說共生云。水銀和真金。能塗諸色像。或說離云。十二因緣。非佛所作。其性自爾。華嚴云。唱

阿字時。入般若波羅蜜門。名以菩薩威力。入無差別境界。疏云。阿者入無生義。無生之理。統該萬法。菩薩

得此無生。達諸羅闍。大論秦言垢。大品云。羅字法空。斷一切障。門一切法。離垢故。華嚴唱

多字門。入無邊差別門。疏云。彼經第二當羅字。是清淨無染。離塵垢義。今云多者。應是譯人之誤。

淨無染。離塵垢義。今云多者。應是譯人之誤。

波羅末陀

秦言第一義。大品云波字門一切法第一義。故楞伽云謂第一義。聖

樂言說所入是第一義。非言說是第一義。第一義者。聖智自覺所得。非言說妄想覺境界。是故言說妄想。不顯示第一義。言說者生滅動搖展轉。因緣起若展轉。因緣起者。彼不顯示第一義。又云如為愚夫。以指指物。愚夫觀指。不得實義。如是愚夫隨言說。指攝受計著。至竟不捨。終不能得離言說。指第一實義。大集經云甚深之理。不可說第一義。諦無聲字華嚴唱波字門。名普照法界。疏云諸法皆等。即普照法界。

遮梨夜

秦言行。大品云遮字門一切法終不可得。故論曰若聞遮字。即知一切諸行皆

非行。今加釋曰。行始名因。行終名果。弘明集云。纖芥之惡。歷劫不亡。毫釐之善。積世長存。福成則天堂自至。罪積則地獄斯臻。此乃必然之數。無所容疑。若造善於幽。得報於顯。世謂陰德。人咸信矣。造惡於顯。得報於幽。斯理灼然。寧不信耶。又云聖人陳福以勸善。示禍以戒惡。小人謂善無益。而不為。謂惡無傷。而不悔。夫殃福蓋有其根。不可無因而妄。致善惡當收其報。必非無應而徒已。又云然則法王立法。周統識心。三界牢獄。三科驗定。一罪二福。三道罪則三毒所結。繫業屬於鬼王。福則四弘所成。我固屬於天主。道則虛通。無滯。據行不無明昧。昧則乘分大小。智涉信法。明則特達。理性高超。空有又云福者何耶。所謂感樂。

受以安形。取歡娛以悅性也。今論福者悲敬為初。悲則哀苦趣之艱辛。思拔濟而出離。敬則識佛法之難遇。弘信仰而澄神緣境。乃涉事情。據理惟心為本。虛懷不繫其福。必回於自他。倒想未移。作業有乖於事。用今觀弘明所立三科。其名雖美。所釋三義。其旨猶失。以論十界。清混不分。今謂十使十惡。此屬乎罪名。為黑業報。四惡趣。五戒十善。四禪四定。此屬於福名。曰白業報。處入天三乘。摩訶衍。此屬乎道。感報四聖。此則凡聖界分。因果事定。以此三科收行。盡矣。大論云。或說三行。身行口行意行。身行者出入息。所以者何。息屬身故。口行者覺觀。所以者何。先覺觀然後語言。意行者受想。所以者何。受若樂取相。心發是名意。

行。心數法有二種。一者屬見。二者屬愛。屬愛主名為受。屬見主名為想。以是故。說是二法為意行。華嚴唱者字門。名普輪斷差別。疏云。者字諸法無有。諸行既空。徧催差別。法離名性相。不得不失。故論曰。即知一切法不得不失。不來不去。華嚴唱那字門。名得無依門。名得無依。無上疏云。那者諸法無有性相。言說文。字性相雙亡。故無依。能所詮泯。謂無上。邏求。秦輕。大品邏字門。諸法度世間。故亦愛枝。因滅。故論曰。若聞邏字。即知一切法離輕重相。華嚴唱邏字門。名離依止無垢。疏云。邏字。悟一切法離世間。故。陀摩。秦言善。大品陀字門。諸法善心生故。

亦施相故論曰即知一切法善相華嚴唱施呼字門
 名不退轉方便疏云悟一切法調伏寂靜真如平等
 無分別故方為不退轉方便南山云策勤三業修習
 戒行有善起護名之為作作而無犯稱之曰持音義
 指歸云持者執也執持所受之法猶若捧珠執王也
 犯者干也謂干犯所受之法略無護惜如珠落王墮
 也善者順也起信云以知法性體無慳貪故隨順修
 行檀波羅蜜以知法性無染離五欲過隨順修行尸
 波羅蜜乃至以知法性體明離無明故隨順修行般
 若波羅蜜以善是順義積善之家必有餘慶故太戊
 之時桑穀生朝一暮大如栁王懼伊陟曰臣聞妖不
 勝德帝德有關太戊從而桑穀枯死殷道中興積不

善之家必有餘殃故帝辛之時有雀生鳥在城之隈
 太史占曰以小生大國家必昌帝辛驕暴不修善政
 殷國遂亡經云勿謂小罪以為無殃水滴雖微漸盈
 大器然或執自然之道專非報應之說蓋為善而召
 禍此亦多矣為惡以致福斯不少焉故佛名經云行
 善者觸事輒轉行惡者是事諧偶致使世間愚人謂
 之善惡不分如堯帝德化而值洪水湯王善政而遭
 又亢閔損行孝以家貧顏回修仁而壽夭遂謂貴賤
 自因命致愚智盡由天賦妍醜本出自然貧富非是
 業感乃曰誰尖荆棘盡會獸誰鑿江海與川源暴風
 卒起還自止萬物須知是自然不省聲和響順氣曉
 影直形端不了三種之報差殊焉悟萬劫之行有異

故云行惡得樂為惡未熟至其惡熟自見受苦修善
 遇苦為善未熟至其善熟自見受樂故大涅槃經明
 三種報一順現報明主孝慈訓世則祥雲布壽星現
 仁君恩德及物則醴泉涌嘉苗秀善既有微惡亦可
 驗樵之執熊而臂落酒客啖肉以皮穿二順生報今
 世雖行善惡之因次生方受苦樂之果餅沙轉報於
 四天有相改生於六欲三順後報因造今身報終後
 世伽吒七反而享餘慶那律久劫以受遠福此三種
 報皆名定業又涅槃云未入我法名決定業若入我
 法則不決定大品云菩薩行般若故所有重罪現世
 輕受智論釋云又如王子雖作重罪以輕罰除之以
 是三種中生故菩薩亦如是能行般若得實智慧故

即入佛種中生雖有重罪云何重受青龍疏云不定
 有三謂時定報不定報定時不定時報俱不定此中
 所轉是第二句何者由報定故轉重令輕由時不定
 故隨惡道業人間現受其餘二句一切都滅是故釋
 氏指虛空世界悉我自心考善惡報應皆我自業則
 知三界循環斯皆妄識四生磐泊並是惑心故古德
 云皆本一心
婆 陀 秦言縛大品婆字門諸法婆
 而貫諸法
 無縛無解華嚴唱婆字門名金剛場
 疏云悟一切法離縛解故方入金剛場
茶 闍 他
 秦言不熱大品茶字門諸法茶字淨故論曰即知諸
 法無熱相華嚴唱茶字門名曰普輪疏云悟一切

法離熱矯穢得清涼故是普摧義沙秦言六。大品云沙字門諸法亦自在王性清淨故論曰即

知人身六種相華嚴唱沙我史字門名為海藏疏云悟一切法無罣礙如海含像和波陀

秦言語言大品和字門入諸法言語道斷論云知一切法離語言相故華嚴唱縛字門名普生安住疏云

悟一切法言語道斷故多他秦言如大品多字門入諸法如相不動故論云諸法在如

中不動故華嚴唱多我字時名圓夜他跋秦言滿光疏云悟一切法真如不動故實大

品夜字門入諸法如實不生故論云諸法入實相中不生不滅華嚴唱也可字時名差別積聚疏云悟如

實不生故則諸乘積聚皆不可得。吒婆秦言障礙大品吒字門人諸法制伏不可得故

論云知一切法無障礙相華嚴唱瑟吒字時名普光明息煩惱迦邏秦言作者

門入諸法作者不可得故論云知諸法中無有作者華嚴唱迦字時名無差別雲疏云作業如雲皆無差

別娑娑秦言一切法苑云一以普及為言切以盡際為語大品娑字門入諸法時不可

得故諸法時來轉故論云即知一切法一切種不可得一切有二種一者名字一切如云一切皆懼死無

不畏刀杖無色無身不畏刀杖此名字一切也二者實一切大品云一切者所謂內外法是二乘能知不

能用一切道起一切種華嚴唱娑

字時名降霖大雨疏云即平等性

羅

秦言我所大品磨字門入諸法我所不可得故論曰若聞磨字即知一切法離我所故摩曰我

為萬物主萬物為我所又生公曰有我之情自外諸法皆以為我之所有淨名疏云內心法想為我計十

法界為所華嚴唱磨字時名大流湍激眾峯齊峙疏云即我所執性我慢高舉若眾峯齊峙我慢則生死

長流湍

伽陀

秦言底大品伽字門入諸法去者馳奔激不可得故論曰即知一切法底不

可得故華嚴唱伽輕呼字時名普安立疏云即一切法行取性

多他阿伽

陀

秦言如去大品他字門入諸法處不可得故論曰即知四句如去不可得華嚴唱他他字時名

真如平等藏疏云即是杜處所性

闍

提闍羅

秦言生大品闍字門入諸

法生不可得故論曰即知諸法生老不可得聞華嚴唱社字時名入世間海清淨疏云即能所生起

簸

大品簸字門入諸法簸字不可得故論曰若聞濕波字即知一切法如濕波字不可得濕波字

無義故不釋華嚴唱鎖字時名念一切佛莊嚴疏云即安隱性

馱

摩

秦言法性大品馱字

門入諸法性不可得故論曰即知一切法中法性不可得唯識論明三性一徧計所執性六七二識徧於

染淨一切法上計實我法名徧計所執如繩上蛇頰
 曰由彼彼徧計徧計種種物此徧計所執自性無所
 有二依他起自性染淨諸法依他衆緣而得生起故
 云依他如麻上繩頰云依他起自性分別緣所生諸
 心心所依他起故亦如幻事非真實有為遣執心心
 所外實有境故說唯有識若執唯識真實有者亦是
 法執三圓成實性唯一真空圓滿成實唯麻獨存唯
 識頰云圓成實於彼常遠離前性證真云言於彼者
 即於彼依他法上遠離徧計所執便名圓成實性古
 師摠釋云圓成是真徧計是妄依他淨分同真染分
 同妄頰曰白日見繩繩是麻夜間見繩繩是蛇麻上
 生繩猶是妄那堪繩上更生蛇性宗釋圓成云本覺

真心始覺顯現圓滿成實真實常住三法皆具空有
 初則情有理無次則相有性無三則情無理有相無
 性有南岳云心體平等名真實性心體為染淨所熏
 依隨染淨二法名依他性所現虛相果報名分別性
 唯識云即依此三性說彼三無性初則相無性次無
 自然性後由遠離前所執法我性故佛密意說一切
 法無性又云若時於所緣智都無所得無所一如爾
 時住唯識離二取相故華嚴唱馱字時名觀察揀擇
 一切法聚疏云
除多 都餓切秦言寂滅大品除
 即能持界性 字門入諸法定不可得故
 論曰即知諸法寂滅相妙樂云此唱寂滅是滅生之
 滅非即生之滅即生之滅是不滅故如淨名云法本

不然今則無滅是寂滅義華嚴唱奢尸字時秦 名隨順一切佛教輪光明疏云即寂靜性 呌言

虛空小品呌字門入諸法虛空不可得故華嚴 唱法字時名修因地智慧藏疏云即如虛空性 又

耶 秦言盡小品又字門入諸法盡不可得華 嚴唱又字時名息諸業海藏疏云即盡性 迦

哆度求那 秦言是事邊得何利小品哆字門 入諸法有不可得故論曰即知諸

法邊得何利華嚴唱娑婆蘇多上聲字時名蠲諸惑 障開淨光明疏云即任持處非處念不動性 若

那 或闍那秦言智小品若字門入諸法智不可得 故論云即知一切法中無智相華嚴唱壤字時

四智之下

名作世間智慧門疏云即能所知性佛地經明四智 一大圓鏡智者如依圓鏡衆像影現如是依止如來

智鏡諸處境識衆像影現地論云大圓鏡智離一切 一切境界又云此智是如來第八淨識資 中云離倒圓成用鑒萬有各名大圓鏡智 二平等性

智者證得一切領受緣起平等法性圓滿成故三妙 觀察智者住持一切陀羅尼門三摩地門無礙辯亦

說諸妙法故四成所作智者勤身化業示現種種摧 伏諸伎引諸衆生令入聖教成解脫故然涅槃云依

聖名成所作智在凡名五識在聖名妙觀察智在凡 名六識在聖名平等性智在凡名七識在聖名大圓 鏡智在凡名八識雖聖凡體一而迷悟各異故令依

智識不依識傳燈智通禪師不會三身四智遂謁六 祖求解其義祖曰三身者清淨法身汝之性也圓滿

報身。汝之智也。千百億化身。汝之行也。若離本性。別說三身。即名有身無智。若悟三身。無有自性。即名四智菩提。聽吾偈曰。自性具三身。發明成四智。不離見聞緣。超然登佛地。吾今為汝說。諦信求無迷。莫學馳求者。終日說菩提。通曰。四智之義。可得聞乎。祖曰。既會三身。便明四智。何更問耶。若離三身。別談四智。此名有智無身也。即此有智。還成無智。復說偈曰。大圓鏡智。性清淨。平等性智。心無病。妙觀察智。見非功。成所作智。同圓鏡。五八六七。果因轉。但用名言。無實性。若於轉處。不留性。繁興永處。那伽定。六七。因中轉。五八。果上轉。釋籤云。庵摩羅。是第九。本理無染。以對真性。阿梨耶。是第八。無沒無明。无明之性。即是智性。故對般若。未那識。即是第七。執持藏識。所持諸法。即此執持。名為資成。以助藏識。持諸法。故第六。但能分別諸法。故與第七同。為資成。是故今文。不論第六。若準唯識論。轉於八識。以成四智。又東。四智。以成三身者。第八。為大圓鏡智。轉第七。為平等性智。轉第六。

為妙觀察智。轉五識。為成所作智。大圓鏡智。成法身。平等性智。成報身。成所作智。成化身。妙觀察智。徧於三身。此中。不取第九。乃是教道。一途。屬對。不與今同。何者。彼居果位。三身仍別。此在因位。三身互融。即此三身。祇是三德。三德據內。三身約外。今從初心。常觀三德。故與彼義。不可偶同。寶藏論云。智有三種。一曰真智。謂體解無物。本來寂靜。通達無涯。淨穢不二。二曰內智。謂自覺無明。割斷煩惱。心意寂靜。滅無有餘。三曰外智。謂分別根門。識了塵境。博鑒古今。皆通俗事。又大品明三智。見薩婆若。

阿施 秦言義。大品施字。經本作施字。門入諸法。施字不可得。故論曰。若聞他字。即知一切法。義不可得。華嚴唱。曷擢多。聲字。名生死境界。智慧輪。疏云。即執着義。生死境界。義即。 **婆伽** 秦言破。大品婆字。入諸法。破不可得。破相。華嚴唱。婆字時。名一切智。官殿圓滿。莊嚴。疏云。即可破壞性。圓滿之言。不空。譯為道場。

伽車提

秦言去。大品車字門入諸法欲不可得故。如影五衆亦不可得故。論曰即知一

切法無所去華嚴車字時名修行方便藏各別圓滿疏云即欲樂覆性

阿濕麼

秦言石。大品魔字門入諸法魔字不可得故。論曰即知諸法牢堅如金剛石華嚴唱婆摩字時名隨十

方現見諸佛疏云即可憶念性

火夜

秦言喚來。大品火字門入諸法喚不可得故。論曰即

知一切法無音聲相華嚴唱訶聲婆聲字時名觀察一切無緣衆生方便攝受令出生無礙力疏云即可

呼召性無緣召令有緣故

末嗟羅

秦言慳。大品嗟字門入諸法嗟字不可得故。論曰嗟

字即知一切法無慳無施相華嚴唱綏可字時名修行趣入一切功德海疏云即勇健性

伽

那

秦言厚。大品伽字門入諸法厚不可得故。論曰即知諸法不厚不薄華嚴唱伽聲字時名持一

切法雲堅固海藏疏云即厚平等性

他茶那

秦言處。大品他字門入諸法處不可得故

論曰即知諸法無往處華嚴叱字時名隨願普見十方諸佛疏云即積集性

拏

秦言不

字門入諸法不來不去不立不坐不卧論曰衆生空法空華嚴唱拏字時名觀察字輪有無盡諸億字

疏云即離諸喧諍無往無來行住坐卧謂以常觀字輪故

頗羅

秦言果。大品頗字門入諸

法徧不可得故論曰即知一切法因果空故華嚴唱娑蘇頗字名化衆生究竟處疏云即徧滿果報

歌大

秦言衆大品歌字門入諸法聚不可得論曰即知一切五衆不可得華嚴唱娑前迦

字名廣大藏無礙辯光明入諸法醯字門不可得論徧照疏云即積聚蘊性

故論曰即知醯字空諸法亦爾華嚴唱也夷娑蘇字名宜說一切佛法境界疏云即衰老性相

羅地

秦言動大品遮字門入諸法行不可得故論曰即知一切法不動相華嚴唱室者字

時名於一切衆生界法雷徧吼疏云即聚集足跡謂聚集一切衆生法雷即是足跡

秦言岸大品咤字門入諸法驅不可得故論曰若聞多字即知一切法此彼岸不可得華嚴唱佗加字時

名以無我法開曉衆生疏云即相驅迫性謂無我曉之即為驅迫

字門入諸法邊竟處不終不生過茶無字可說論曰即知一切法必不可得華嚴唱陀字時名一切法輪

差別藏疏云此究竟含藏一切法輪新譯乃是茶字大品云十字皆入四十二字四十二字亦入一字南

岳大師用表四十二位初阿字門表初住後茶字門表妙覺故曰過茶無可說字為世執謂之法衆聖所

由謂之門

名句文法篇第五十二

瑜伽云佛菩薩等是能說者語是能說相名句文身是所說相成唯識論云名詮自性句詮差別文即是字爲二所依此非色心屬不相应行名曰三假婆沙問云如是佛教以何爲體答一云語業爲體謂佛語言唱詞評論語音語論語業語表是爲佛教此語業師也二云名等爲體名身句身文身次第行列安布聯合爲名句文云何但以聲爲教體此名句師也語業師難曰名句文但顯佛教作用非是自體名句師難曰聲是色法如何得爲教體要由有名乃說爲教是故佛教體即是名名能詮義故名爲體二師異見水勅不通正理論中雙存兩義故正理鈔云案上一二說各有所歸諸論皆有兩家未聞決判西方傳說具

乃無虧何者若以教攝機非聲無以可聽若以詮求旨非名無以表彰故俱舍云牟尼說法蘊數有八十千彼體語或名是色行蘊攝體即教體語即語業名謂名句言是色行蘊者由聲屬乎不可見有對色在色蘊收名句屬不相应行在行蘊攝體既通於色行則顯能詮之教聲名句文四法和合方能詮理又復須知佛世滅後二體不同若約佛世八音四辯梵音聲相此是一實名句文身乃是聲上屈曲建立此三是假若約滅後衆聖結集西域貝葉東夏竹帛書寫聖教其中所載名句文身咸屬色法此則從正別分若乃就旁通說佛世雖正屬聲旁亦通色如迦旃延撰集衆經要義呈佛印可斯乃通色滅後正雖用色

旁亦通聲以假四依說方可解作此區別教體明矣
瑜伽論云諸契經體略有二種一文二義文是所依
義是能依十住品云文隨於義義隨於文
文義相隨理無殊謬方為真教此叙體竟 **便善**

那 此云文身慈恩疏云文身者為名句依而顯所
表顯有四義一扇二相好三根形四益如次能

顯風涼太人男女味故故名為顯即喻此文身能顯
於理若依古譯翻文為味但是所顯非能顯也大乘
入楞伽云文身者謂由於此能成名句楞伽云形身
者謂顯示名句是名形身又形身者謂長短高下注
曰形身即字也入楞伽云字身者謂聲長短音韻高
下名為字身今問文與於字為異為同答若未改轉

斯但名字若已改轉文即是字是 **那摩** 此云名
則依類像形為字形聲相稱曰文

名身者謂依事 **波陀** 秦言句句謂句運運止也
立名是名名身 住也大論云天竺語法衆

字和合成語衆語和合成句如善為一字提為一字
是二不合則無語若和合名為菩提大乘入楞伽云

句身者謂能顯義決定究竟成唯識論云句詮差別
如名為眼即詮自性若言佛眼天眼乃顯句詮差別

也 **阿耨率觀婆** 或輪盧迦波天竺但數字
滿三十二即為一偈阿

耨率觀 **蘊馱南** 此云集施頌謂以少言
攝集多義施他誦持 **跋**

渠

法華文句云中阿含翻品品者義類同者聚在一段故名品也或佛自唱品如梵網或結集所

置如大論大品一部結集或譯人添足如羅什什師以類加之

彌底

此云正量相宗明三

種量一現量唯約佛果起後得智見實相理有二一定位定心澄湛境皆明證故名現量現者明也二散心現量如五識緣色等時親明而取局附境體分明顯現現者親也二比量通約凡夫至等覺比量生解如遠見煙比知有火雖不見火言非虛故三證言量諸佛經教以為證准因明論云能立與能破及似唯悟他現量與比量及似唯自悟明義有八一能立三支譬喻宗因由此譬况喻曉宗因宗者所宗所主之

義因者所以義建立義世親已前宗等皆為能立陳那已後唯以一因二喻為能立宗是所立二能破三似能立四似能破五現量六比量七似現量八似比量因明疏云判定法體要須二量現量則得境親明比量亦度義無謬度共相境無邪謬矣宗鏡云教無智而不圓木匪繩而靡直比之可以生誠信量之可以定直詮杜狂愚之妄說故得正法之輪永轉唯識之首廣行則事有顯理之功言有定邦之力

都羅

此云喜釋論云五塵中生樂名喜先求樂願令眾生得從樂因令眾生得喜又云

麤樂名樂細樂名喜譬如初服藥時名樂藥發徧身時名喜智論明示教利喜示人好醜善不善應行不

應行生死為醜涅槃安隱為好分別三乘分別六波羅蜜各示教者教言汝捨惡行善利者未得善法味故心則退沒為說法引導令出汝莫於因時不求果汝今雖勤苦果報出時大得利益令其心利故名利喜者隨其所行而讚歎之故名為喜以此四事莊嚴說法智論明三事具足故大歡喜一能說人清淨二所說法清淨三依法得果清淨論又問是諸羅漢已證實際無復愛喜小喜尚無況大歡喜答羅漢離三界欲未得一切智慧故於諸甚深法中猶疑不了是般若中了解說斷除其疑故大歡喜

摩

訶羅

此云無知律中阿難攝眾無法迦葉訶言年少阿難言我今頭白何故名年少答云

汝不善營事同年少老年愚法豈不例之

梵壇

此云默擯梵壇今治惡性車匿五分云梵

壇法者一切七衆不來往交言若心調伏為說那陀迦旃延經令離有無即入初果文見闡釋迦注

唱薩

此言訛也正言娑度此云善哉

阿呼

此云奇哉

闍維

或耶旬正

名茶毗此云焚燒西域記云涅槃槃那舊闍維訛也通慧音義云親問梵僧未聞闍維之名

陀

呵

云燒纂要云用照則暗不生用燒則物不生

僧柯慄多弭

此云

有為大品云一者有為法相謂十八空智乃至八聖道智十力四無所畏世間法出世間法等二者無為

法相無生無滅無住無異無垢無淨無增無減諸法
 自性大論釋曰有為法相是作相先無今有已還
 無故與上相違即無為法相然此二法若約相即如
 般若云佛告善現不得離有為說無為不得離無為
 說有為宗鏡云或事理相即亦得此理是若約俱立
 如華嚴云於有為界示無為理不滅有為之相宗鏡
 理事不即亦得以下全理之事非於無為界示有為之
 法不壞無為之性宗鏡云以全事之理非事所依
 道智經云所謂一心本法非有為
 故能作有為非無為故能作無為
 般遮于句此云五神通人
 或般遮跋利沙此
 云五年一大會

乃以其瑟
 歌頌佛德
 四毗舍羅念佛三昧經云度脫五

言施戒法
 此無慳義
 沒栗度此云與物
 麗樹昌毘此

細言字之
 滑言閏
 那此云四摩此云別住此處
 唱瑟此云

尼沙此云髻無上依經云鬘尼沙頂骨
 烏瑟通起自然成髻故名肉髻

臚沙此云母陀羅擣李曰結
 迦私或迦

云光能發光故釋迦世尊圓光一尋阿彌陀佛光明
 無量智論云無量有二種一者實無量二有量之無

量見第

舍利

新云室利羅或設利羅此云骨身

七卷

光明云此舍利者是戒定慧之所熏修甚難可得最上福田大論云碎骨是生身舍利經卷是法身舍利法苑明二種舍利一是骨其色白也二是髮舍利其色黑也三是肉舍利其色赤也菩薩羅漢皆有二種若佛舍利推擊不破弟子舍利推試即碎感通傳天人三璫言是大吳蘭臺臣也會師初達建業孫主即未許之令感希有之事為立非常之法于時天地神祇咸加靈被於三七日遂感舍利吳主手執銅瓶傾銅盤內舍利所衝盤即破裂火燒推試俱不能損遂興佛法又多聞長子名那叱嘗以佛牙贈宜律師

太祖皇帝疑非真牙以火鍛之了然不動遂成願文

太宗皇帝聖製頌曰功成績劫印文端不是南山

得恐難眼觀數重金色潤手擎一片玉光寒鍊時百火精神透藏處千年瑩彩完定果熏修真秘密止心

莫作等閑看真宗皇帝聖製偈曰西方有聖号迦

文接物垂慈世所尊常願進修增妙果庶期饒益在

黎元仁宗皇帝御製贊曰三皇掩質皆歸土五帝潛

形已化塵未子域中誇是聖老君世上亦言真埋軀

祇見空遺家何處將身示後人惟有吾師金骨在曾

經百鍊色長新徽宗皇帝崇寧三年重午日嘗

迎請釋迦佛牙入內祈求舍利感應隔水晶匣出如

兩點神力如斯嘉歎何已因以偈贊大士釋迦文虛

空等一塵有求皆赴感無刹不分身王瑩千輪
在。金剛百鍊新。我今恭敬禮普願濟群輪

摩

奴末那 此云意生身楞伽經明三種意生身山

名互出後學披卷罔曉取由是不揆庸淺輒開二
門 初釋通號 次辯別名 原夫通號意生者意

謂作意此顯同居之修因生謂受生此彰方便之感
果故曰安樂作空意三昧作假意自性作中意又意

者如意故魏譯入楞伽經云隨意速去如念即至無
有障礙名如意身又意者意憶故唐譯大乘入楞伽

經七卷有佛告大慧意生身者譬如意去速疾無礙名
意生身此即從譬號意生身彼經兩義釋此通名初

云大慧譬如心意於無量百千由旬之外憶先所見
種種諸物念念相續疾詣於彼非是其身及山河石

壁所能為礙意生身者亦復如是次云如幻三昧力
神通自在諸相莊嚴憶本成就衆生願故猶如意去

生於一切諸聖衆中輔行釋云初云憶處次云憶願
二義並是意憶生故名為意生然此通名先達釋云

生方便已憶先同居所見凡境智願熏修作意求生
神通化物今謂此解違文失旨且違文者淨名疏云

三種意生身所不能斷故生有餘受法性身是則祖
師釋名從下以生上先達解義自上而來下顛倒談

之違逆文矣其失旨者經中憶先所見本是喻文先
賢迷之而作法解故知舊釋未善通名也然智者疏

稱意生身以依宋譯楞伽故。楞伽阿跋多羅寶經文有四卷荆溪記中名意成身以準唐譯楞伽故。雖二經名殊而義歸一揆。以後譯經取成就義字意成身故記主云成之與生並從果說。是則意之一字乃順於因生之一字。則從於果故知此名因果雙立也。次辯別名者初法華云一安樂法意生身此欲擬二乘人入涅槃安樂意也。二三昧意生身此擬通教出假化物用神通三昧也。三自性意生身此擬別教修中道自性意也。今釋曰初名安樂者以舊經云安住心海識浪不生故智者立為安樂法也。此乃用經義以立名。一名三昧意生身者以舊經云得如幻三昧無量相力具足莊嚴隨入佛刹故智者立為三昧意生也。然則今宗

三諦俱受三昧之名此文既以神通而釋則當俗諦三昧如釋籤云若於諸知識所但得俗諦三昧但破無知名為無明。今此三昧與彼文同。三曰自性者以舊經云覺一切佛法緣自得樂相故智者立為自性意生以別教中道是諸法之自性故淨名記云若不見中則不見於諸法自性。然此玄義不用被接解釋唯約前之三教以伸者斯則順乎教旨也。良以作意之名從徧教立由無照性之功遂有別修之行。所以圓教無此意耳。輔行云玄文不云攝入三者以觀勝故且置不論又意生之名宜在教道。二淨名疏云一三昧正受意生身恐是通教同入真空寂定之樂故涅槃云聲聞定力多故不見佛性。二覺法性意生身

恐是別教菩薩雖證偏真而覺知有中道法性三無
作意生身此恐是圓教菩薩觀於中道無作四諦圓
伏無明今釋曰初名三昧吾祖既以真空寂定而釋
此則屬乎真諦三昧以此之定心寂不動故名正受
位次言之如記主云若約通教七地已上或至九地
此之初名全依經立下經如二名覺法性者覺謂覺知
法性乃是但中之理以位言之如記文曰言自性者
別住同通應取十行此之一名亦依經立三名無作
者圓中稱性修德行亡故云無作以位言之如記主
云圓教既云伏於無明即知七信也然茲疏文若約
正接甄明此用通教一正以釋初名復以別圓兩接
銷後二義若望下文前則無於二藏後乃加乎圓教

而此文前無三藏者乃順教直以界外之土小乘
未詮故談意生不用三藏後加圓者此順位義以由
別圓似解未發真修皆名作意然淨名疏明意生身
雖指勝鬘及乎釋義全用楞伽當知勝鬘但有通名
無別号矣三輔行記云一入三昧樂意成身亦云正
受即三四五地心寂不動故二覺法自性意成身即
八地中普入佛刹故以法為自性三種類俱生無作
意成身謂了佛證法今釋曰初之一名既指通教三
地已去與前二文名義大同如唐譯經云三四五地
入於三昧離種種心寂然不動心海不起轉識浪波
了境心現皆無所有是名入三昧樂意成身宋譯經
三昧樂正受意生身二名覺法自性意成身者與妙玄第二各

異義同然記文中既指八地入假乃以覺了如幻之法通達自在名為覺法自性故唐譯經云謂八地中了法如幻皆無有相心轉所依住如幻定及餘三昧能現無量自在神通如華開敷速疾如意如幻如夢如影如像非造所造與造相似一切色相具足莊嚴普入佛刹了諸法性是名覺法自性意成身宋譯各實覺知諸法相意生身三名種類俱生無作行意成身者種以能生為義類從流類立名中道之觀能生佛界故此因位與果為類故曰種類俱生也經中亦類言無作者別十回向了佛證法故名無作故唐譯經云了達諸法自證法相是名種類俱生無作行意成身宋魏二譯此各皆同然第三名雖三文立名俱異而同對

中觀復與淨名第二之名義亦同矣然荆溪師自新記文則云此約通教及以別接豎判位次故知輔行用通一正及別接也問曰凡作記者本扶於疏何緣此記釋意生身但用通教豎論位次有異智者二疏之義答曰準記云故知今判與經意同經文殊攝別位為異是知荆溪異智者為順本經故問曰準經判位既唯在通何緣智者用四教釋耶答曰祇由意生之義該乎九人藏教二乘通教三乘別三十二心圓十信位所以吾祖就義釋之適時有異問曰天台頓悟法相朗然淨名疏內焉稱恐是法華玄中安言欲擬乎答曰淨名記云皆言恐者尊重聖典兼示無執三重階降經文義含為是仰教所以立名既通解義難局或以徧圓而

釋或約直接而伸不固執之乃云欲擬問曰小教不
 談界外二乘但謂無生何嘗要心生方便耶答曰法
 性之士雖昔未聞變易之身在後當受何者期心趣
 果乘志修因欲出煩惱之方願入涅槃之境未亡取
 捨還有死生如是之懷寧逃作意歟人不曉之却云
 約大乘判謬之甚矣問曰是時遇意地住在智業中
 是則大論明於實報既是智生何故淨名定於十地
 猶通意生耶答曰淨名記云一者但是未極名意二
 帶教道挫之言意問曰實性論云二乘於無漏界生
 三種意陰未審意生意陰同異云何答曰釋籤解云
 二乘在彼三中之二今通言之故云三種非謂二乘
 盡具三也言意陰者由意生陰名為意陰又作意生

陰名為意陰又意即是陰名為意陰前之兩釋從因
 得名後之一釋從果立名荆溪既云二乘在彼三中
 之一此乃當於安樂法意是則經與論文名雖小異
 義實大同昔因講次聊述梗槩今附此集刊助來哲

增數譬喻篇第五十三

大虛水月並喻體空兔角龜毛皆況名假因動背定
 比舟行而岸移由妄迷真譬雲駛而月運六道生死
 若朽故之火宅諸佛涅槃譬清涼之寶渚今欲開解
 遂集譬喻俾聞法人見月亡指真
阿波陀那
 修行者到岸捨筏故引而伸之

此云譬喻文句云譬者比況也喻者曉訓也至理玄
 微抱迷不悟妙法深奧執情真解要假近以喻遠故

借彼而况此。涅槃經說喻有八種。一順喻。二逆喻。三現喻。四非喻。五先喻。六後喻。七先後喻。八徧喻。順喻者。天降大雨。溝瀆皆滿。溝瀆滿故。小坑滿等。如來法雨亦復如是。衆生戒滿。戒滿足故。不悔心滿等。逆喻者。大海有本。所謂大河。大河有本。所謂小河等。以喻涅槃。有本。謂解脫等。現喻者。衆生心性。猶如獼猴。非喻者。如來曾對波斯匿王說。有四山。從四方來。欲害於人。王若聞者。當設何計。王即答云。唯當專心持戒。布施。四山。即是生老病死。常來切人。故云非喻。先喻者。譬如有人貪著妙華。欲取之時。為水所漂。衆生亦然。貪著五欲。為生老病死之所漂沒。後喻者。真輕小惡。以為無殃。水滌雖微。漸盈大器。先後喻者。譬如芭蕉生果。則死。愚人得養。亦如是。如驢懷妊。命不久矣。徧喻者。三十三天。有波利質多樹。其根深。入有五由旬。枝葉四布。葉熟則黃。諸天見已。心生歡喜。其葉既落。復生歡喜。枝變色已。又生歡喜等。我諸弟子亦如是。葉色黃者。喻我弟子念欲出家。其葉落者。喻我弟子剃除鬚髮等。經中具說。以此徧喻佛弟子等。故云徧喻。又第五卷。明分喻云。面兒端正。如盛滿月。白象鮮潔。猶如雪山。滿月不可即。同於面。雪山不可即是白象。不可以喻。喻真解脫。為衆生故。故作是喻。

斫訖羅

此土翻輪淨名云。三轉法輪於大千。其輪本來常清淨。言三轉。一曰示轉。二曰勸轉。三曰證轉。所云法者。

軌持名法軌謂軌則令物生解持謂任持不捨自體
輔行云輪具二義一運轉義二摧碾義文句云轉佛
心中化他之法度入他心名轉法輪輔行云以四諦
輪轉度與他摧破結惑如王輪寶能壞能安法輪亦
爾壞煩惱安住諦理智論云諸佛法輪有二種一
者顯二者密顯謂顯露言顯義露言顯露教如在鹿
苑顯為五人說小密為八萬說大密謂秘密先達釋
秘乃分二種一者隱秘在昔四時權謀隱覆曰秘神
用潛益曰密二者真秘在今法華昔所未說為秘開
已無外為密今論秘密復有二種一者至理秘密阿
含云甚深之理不可說第一義諦無聲字故楞伽云
我於某夜成道某夜入般涅槃中間不說一字依何

密語作如是說佛言依二密語謂緣自得法及本住
法發軔釋云自得法者修德也本住法者性德也是
則如來道場所得實智是法非思量分別之所能解
亦不可以容聲矣故法華云止止不須說我法妙難
思言語道斷故不須說心行處滅故妙難思所以掩
舌摩竭用啓息言之津杜口毗耶以通得意之路故
達磨西來少林面壁神光往彼晨夕參承夜過大雪
堅立不動逢明過膝師憫問曰當求何事光悲淚曰
惟願和尚慈悲開甘露門師曰諸佛無上妙道曠劫
精勤難行能行難忍而忍豈以小德小智輕心慢心
欲冀真乘徒勞動苦光聞師誨潛取利刀自斷左臂
置于師前師知是法器乃曰諸佛最初求道為法忘

形汝今斷臂吾前求亦可在後與易名慧可光曰諸
佛法印可得聞乎師曰諸佛法印匪從人得光曰我
心未寧乞師與安師曰將心來與汝安光曰覓心了
不可得師曰我與汝安心竟據此達磨但為除病道
絕言說二者言詞秘密如諸神呪雖立語言詞句義
密人不能解究此密談之法意在遮惡持善故陀羅
尼翻為遮持遮謂遮惡持謂持善此釋龍樹二種法
輪若依天台乃辨八教頓漸秘密不定示佛設化之
儀式名化儀四教藏通別圓釋佛化物之法門号化
法四教方味具足應病授藥煩惱惡疾自然消伏宗
鏡問達磨以心傳心不立文字何用廣引佛菩薩教
借眼為眼無自己分答木匪繩而靡直理非教而不

圓以聖言為定量邪偽難移用至教為指南依憑有
據圭峯云經是佛語禪是佛意諸佛心口必不相違
忠國師云應依佛語一乘了義契取本源心地轉相
傳授與佛道同五祖在巖大師一生訓徒常舉維摩
曰不著世間如蓮華常善入於空寂行達諸法相無
罣礙稽首如空無所依時有人問此是佛語欲得和
尚自語師云佛語即我語我語
即佛語願諸智者勿分別焉
一門 法華云是
門而復狹小天台釋曰別者一謂一理一道清淨門
謂正教通於所通小謂不容斷常七方便等教理實
博則非狹小眾生不能以此理教自通將談無機故
言狹小耳通者理純無雜故言一即理能通故言門

微妙難知故言狹小教者十方諦求更無餘乘唯一佛乘故言一。此教能通故言門。二翼

亦喻二輪又譬二門故止觀云馳二輪而致遠喻止觀以橫周鼓兩翅以高飛譬定慧之豎徹故荆溪資左溪曰疇昔之夜夢披僧服掖二輪游大河之中左溪曰噫汝當以止觀二法度群生於生死之淵乎六品佛告須菩提譬如有翼之鳥飛騰虛空而不墮墜雖在空中亦不住空須菩提菩薩摩訶薩亦復如是學空解脫門學無相無作解脫門亦不作證故不墮聲聞辟支佛地譬二門者智論云欲成佛道凡有二門一者福德二者智慧行施戒忍是為福德門知一切諸法實相摩訶般若波羅蜜是為智慧門菩薩入

福德門除一切罪所願皆得若不得願者以罪垢遮故入智慧門則不厭生死不樂涅槃二事一故今欲出生摩訶般若波羅蜜要因禪定門禪定門必須大精進力此以六度合譬二門免踟躕於小徑今優游於通衢也寶積喻二種縛一見縛二利養縛又喻二種離瘡一者見求他過二者自覆己罪又喻二種毒箭雙射其心一邪命為利二樂好衣鉢此三雙喻覽宜自照中繩之謂君子不中繩之謂小人焉

三目

三目三目一面不可單言一三縱橫若並若別能嚴天顏作世界主徹照三千不縱不橫嚴主照世一切

皆成。三德亦爾。縱橫並別。秘藏不成。不縱不橫。秘藏乃成。天台云。備說三德。為涅槃。雖三點上下而無縱表裏而無橫。一不相混。二不相離。釋籤云。上下是縱。義雖一點在上。不同點水之縱。二德亦爾。法身本有。不同別教。為惑所覆。表裏是橫。義雖二點居下。不同。烈火之橫。三德亦爾。二德修成。不同別人。理體具足。而不相求。故借縱橫之譬。顯非並別之法。

四蛇

斯可通喻。十種三法。如光明玄學者覽之。
 金光明云。猶如四蛇同處一篋。四大蛇。其性各異。天台釋云。二上。升是陽。二下。沈是陰。何故相違。猶其性別。性別。那能和合成身。故大集云。昔有一人。避二醉象。生緣。藤根入井。常有黑白一鼠。日嚙藤將斷。旁

有四蛇。欲螫。大有三龍吐火。張瓜拒之。毒其入。望二象已臨井上。憂惱無託。忽有蜂過。遺蜜滴入口。五是人。咬蜜。全亡危懼。

四喻

金光明經。四佛同舉。山斤海。滴地塵空界。尚可盡邊。無有

能計。釋尊壽命。天台釋云。若從信相所疑。應言壽有量。若從四佛釋疑。應言壽無量。孤山索隱。未善此文。孰能喻之。有量。迷所況之無量。以下三無常之數。釋上三常壽之身。報應淆混。疑釋顛倒。垂裕後昆。當詳察焉。

五味

聖行品云。譬如從牛出乳。從乳出酪。從酪出生酥。從生酥出熟酥。從熟酥出醍醐。從佛出十二部經。從十二部經出九部。修多羅。從九部出方等。從方等出摩訶般若。從摩訶般若出

大涅槃此喻一取相生次第牛譬於佛五味譬教乳
 從牛出酪從乳生二酥醍醐次第不亂二喻濃淡此
 取一番下劣根性所謂二乘在華嚴座不信不解不
 變凡情故譬其乳次至鹿苑聞三藏教二乘根性依
 教修行轉凡成聖譬轉乳成酪次至方等聞彈斥聲
 聞慕大耻小得通教益如轉酪成生酥次至般若奉
 勅轉教心漸通泰得別教益如轉生酥成熟酥次至
 法華三周說法得記作佛如轉熟酥成醍醐此乃約
 教豎辨其如約教橫辨兼但對帶多少可知晉華嚴
 云譬如日出先照一切諸大山王次照一切大地次
 照金剛寶山然後普照一切大地又云譬如日日出
 現世間乃至深山幽谷無不普照此喻先照高山次

照幽谷後照平地天台準涅槃五味演第三平地開
 為三時方等如食時般若如禺中法華如正午釋籤
 問曰應還取涅槃本文何以却取華嚴文耶非但數
 不相當亦恐文意各別若涅槃五味轉變而祇是一
 乳華嚴三照不同而祇是一日今演平地之譬以對
 涅槃後之三味數雖不等其義宛齊又涅槃以牛譬
 佛乳從牛出譬佛初說大乳出已後其味轉變猶成
 分譬故此下文義立五味皆從牛出未若華嚴日譬
 於佛光譬說教日無緣慈非出而出衆機所扣非照
 而照故使高山幽谷平地不同同稟教光終歸等照
 故用兩經二義相成佛出娑婆慈濟群彙經五十年
 普潤無方而此二喻粲然可觀乃使感應之道彰矣

華嚴五前別況五蘊
文見心經輔中記也
六賊 原性明靜因情昏散

當知塵識是賊止觀如兵
觀禪上心散
賊法要即賊以成兵如楞嚴曰眼耳鼻舌及與身心

六為賊媒自劫家寶
媒訓謀謀合
生六識令著六塵所以六根如
也 金光明云猶如世人馳走空聚
如空聚落六賊

所害愚不知避
劫功德財故名六賊亦名六衰妙藥
云衰祇是賊能損耗故法句經云昔佛在時有人河

邊樹下學道經二十年但念六塵
味觸法心無寧息
佛知可度化作沙門樹下共宿其夜月明龜從河出

野干欲噉龜縮其頭尾及四足藏於甲中狗不得便
須更遠去龜還入水道人見此語沙門曰龜有護命

之鎧野干不能得便沙門對云世人不知此龜放恣
六情外魔得便復說偈曰藏六如龜防意如城慧與

魔戰勝則無患須知無為能殺其賊故安般守意經
云有外無為有內無為外無為者眼不視色

耳不聽聲
鼻不受香
口不味味
意不妄

身為中蟲何况身離細滑
智論明術發如欲
念分楞嚴云縱橫一切見聞覺知內守幽閑猶為法塵

道者但坐思惟多故一善念者得善果報一惡
念者得惡果報如響應聲如影隨形若攝念若心不

意向道行雖有所念本趣無為也無行經云觀身畢
觀五還經又問曰現有所念何以無為若身口為戒

竟無觀受內外空觀心無所有觀法但有名古德云
見聞覺知本非因見色聞聲覺香當體虛玄絕妄真
見相不生癡愛業洞然全是釋迦身無機子復述短
頌普勸人間壽短地獄苦長惡須日息善要時揚

六喻

秦金剛云一切有為法如夢幻泡影如露
亦如電應作如是觀初喻夢者寢中神游

也列子分六夢一正夢平居二愕夢驚愕三思夢思
而四寤夢覺而道五懼夢思懼六喜夢喜悅周禮占

六夢之吉凶善見律明四種夢一四大不和夢夢見
山崩飛騰虛空或見虎狼獅子賊逐二先見故夢晝
見白黑及男女相夜剋夢見三天人與夢若善知識
天人示善得善若惡知識示惡得惡四想心故夢前

身修福今感吉夢先世造罪今感凶夢石壁法師釋
夢喻云如有二人真如忽然睡著不覺無作夢最切

相見轉識種種事現識起心分別六處初念念無間
二相於其違順深生取著三執為善為惡是親是疎

四計名於善於親則種種慧利於惡於疎則種種凌
損五起或有報恩受樂或有報怨受苦六業計忽然

覺來上事都遣覺唯心故釋籤辨夢三觀云如
於夢中修因得果夢事宛然即假也求夢不可得即

空也夢之心性即中也止觀云若體知心性非真非
假息緣真假之心名之為正觀心性非空非假而

不壞空假之法若能如是照了則於心性通達中道
圓照三諦二喻幻者楞伽云如工幻師依草木瓦

圓照三諦二喻幻者楞伽云如工幻師依草木瓦

石作種種幻起一切衆生若干形色起種種妄想釋
 籤云焰幻之名通於偏圓今從圓說一心三幻淨名
 記云具如幻化俗同真異一俗三真指要立三種幻
 以性奪修幻但理隨緣幻緣生無體幻故指要云性
 本圓具偏發由熏以性奪修故修如幻又云然此尚
 非但理隨緣之幻豈同緣生無體之幻方知如幻名
 同幻義各異 三喻泡者淨名疏云上水滲下水上
 水爲因下水爲緣得有泡起斯須即無 四喻影者
 顏氏家訓云影字當爲光景之景凡陰景者因无而
 生即謂景也尚書云惟景響晉葛洪字苑傍加多於
 景切梵云頻婆帳此云身影淨名疏云有物遮光則
 有影現物異影異物動影動無明行業遮理智光則

有三事報身影現業異從生至死流動非一 五喻
 露者大戴禮云露陰陽之氣也夫陰氣勝則凝爲霜
 雪陽氣勝則散雨露朝陽繞照薤露即晞人生處世
 奄忽何期 六喻電者經律異相明四電師或云電
 是龍瞬眼生光五經通義曰電雷光也顧凱之曰電
 陰陽相觸爲雷電經取疾速之象令悟無常之法性
 通達者當起信志此釋能喻其所譬法今述頌曰世界
 變成如幻化受想行起似浮泡法塵緣慮同觀影身
 似露珠垂樹稍過去翻思事若夢現前如電耀
 荒郊須知畢竟常空寂自是無端與物交 六
 輪 本業瓔珞經云鐵輪十信位銅輪十住位銀輪
 十行位金輪十向位琉璃輪十地摩尼輪等覺

妙覺七華

維摩經云無漏法林樹覺意淨妙華天
台釋云覺意即七覺支
一擇法
二精進
三喜
四除
五捨

六定七覺調停生真智因華故智論云無學實覺此
七能到故以為華又云定水湛然滿布以七淨華天

台釋云一戒淨是正語二心淨是精進三見淨是正
思四斷疑淨是見五分別淨六行淨是修七涅槃淨

是無學道又涅槃云譬如有人而有七子是七子中一子
遇病父母之心非不平等然於病者心則偏重章安

釋云或以七方便根性為七子謂人天二乘三教善
薩是七子中有起過者心則偏重又智論云智度木

道佛善來智度大道佛窮底智度相義佛無礙稽首
智度無子佛古人立四義釋無子一者無等一切衆

生無與佛等二云無礙佛是法王於法自在三云無
子復有二義一者就理佛能體悟無生真理名為無

子二者就事如來生死種子已盡故名無子四者無
子亦有二義一者般若名為佛母母有七子謂佛善

薩及辟支佛並四果人此七子中佛最居長故云無
子二者無明弊中無有智慧種子故云無子

八筏

郭璞云水中籜筏功德施論云如欲濟川
先應取筏至彼岸已捨之而去智論引筏

喻經云汝等若解我筏喻法是時善法宜應棄捨況
不善法斯乃無所得之要術俾不疑滯於物矣故德

王品曰譬如如有王智論王以四毒蛇盛之一王令人
瞻養君令一蛇生嗔志我當準法戮之都市其人怖

畏捨篋逃走。王時復遣五旃陀羅，拔刀隨後。一人藏
 刀，詐為親善，其人不信，投一聚落，欲自隱匿。既入聚
 中，不見人物，即便坐地，聞空中聲云：「今夜當有六大
 賊來，其人恐怖，復捨而去。路值一河，其水漂急，即取
 草木為筏，截流而去。既達彼岸，安隱無患。菩薩亦爾，
 聞涅槃經，觀身如篋，四大如蛇，五旃陀羅，即是五陰。
 詐親即貪愛空聚，即六入。六賊即外六塵，河即煩惱。
 筏即道品，是八正道。到於常樂涅槃彼岸。又喻八
 輪正理論云：如世間輪有輻，轂輞八支，聖道似彼名
 輪，正見正思惟，正勤，似輻。正語正業正命，似轂。正定
 似輞。三事具足，可乘轉於通衢也。」
九喻 方等如來藏經佛為金剛藏菩薩說一法九喻。

具有十文。經云：我以佛眼觀一切眾生，諸煩惱中有
 佛智眼，有如來身，結加趺坐，儼然不動。下有九翻長
 行偈頌。寶性論佛性論具釋一偈云：譬如萎變華，論
 貪煩惱亦不樂，其華未開敷，天眼者觀見如來身，無染
 初樂後不樂。此法身體二云：譬如巖樹蜜，味法無量蜂圍繞，論云：羣蜂
 諸人善方便，取者先除彼眾蜂。三云：譬如彼粳糧，種
 種糠糲未除蕩，論云：如是癡心貧者猶賤之，謂為可
 棄物。四云：如金在不淨，真如不變。隱沒莫能見，論云：
 貪瞋癡。圭山云：上三種子。今喻麤顯。天眼者乃見即
 現行發身，口意造一切業，故云增上。無覆無記未
 以告眾人。五云：譬如貧人家，根本無明無覆無記未
 地內有珍寶藏，法身為萬主，既不知見寶，復不能言
 六云：譬如菴羅果，此喻內實不毀壞，報化身種之於

大地必成大樹王。七云譬如持金像出纏行詣於他方裏以穢弊物此喻棄之於曠野。八云譬如貧女人色兒甚醜陋淨地垢而懷貴相子當為轉輪王報身九云譬如大冶鑄無量真金像化身愚者自外觀但見焦黑土地諸垢又魏譯金剛云一切有為法如星翳燈幻露泡夢電雲應作如是觀。彌勒頌曰見相及於識器身受用事過去現在法亦觀未來世。論釋曰譬如星宿為日所映有而不現能見心法亦復如是。見此譬又如意見實我法此翳配在第七以常如是。是以顛倒見故此譬相分大雲釋曰此喻若執在行故圭山云既在第七即知是見分毛輪又如燈識亦如是依止貪愛法住故識體又如幻所依住處亦

復如是以器世間種種差別無一體實故此譬又如露身亦如是以少時住故此喻又如泡所受用事亦如是。以受想因三法不定故此喻受用事又如夢過去法亦如是。以惟念故此喻過又如電現在法亦如是。以刹那不住故此譬現又如雲未來法亦如是。以於子時阿梨耶識為一切法為種子根本故此譬未來

十寶 光明云我當安止住於十地。十種珍寶以光明為脚足。天台釋云珍寶者十地因可貴諸地即是珍寶也。脚足者十地是果家之基。故言脚足。又十度是十地之脚足。於餘功德非為不修隨力隨分。正以檀為初地之足。檀足若滿得入初地。乃至智度足滿得入十地。又如法華十喻說勝文見彼經

半蒲書籍篇第五十四

涅槃云譬如長者唯有一子心常憶念憐愛無有將詣師所欲令受學懼不速成尋便將還以愛念故晝夜殷勤教其半字而不教誨毗伽羅論何以故以其幼稚力未堪故

離佞

此云書釋名曰書庶也記庶物也春秋左傳序云大事書之於策小事簡牘而已文選注云木竹名策小竹名簡木版名

牘尚書序云伏羲神農皇帝之書謂之三墳言大道也少昊顓頊高辛唐虞之書謂之五典言常道也世歷明三古伏羲為上古文王為中古孔子為下古司馬遷史記辨六宗一陰陽使入拘而多所畏然其序四時之大順不可失也二儒者博而寡要勞而少功

是以前其事難盡從然其序君臣父子之禮不可易也三墨者儉而難遵是以前其事不可徧循然其強本節用不可廢也四名者使人儉而善失真然其正名實不可不察也五法者嚴而少恩然其正君臣上下之分不可改矣六道德者使人精神專一動合無形其為術也明陰陽之大順來儒墨之善要與時遷移應物變化立俗施事無所不宜指約而易操事少而功多班固漢書明九流一儒流順陰陽陳教化述唐虞之政宗仲尼之道焉二道流守弱自卑陳堯舜揖讓之德奉周易之謙恭也三陰陽流順天歷象敬受民時矣四法流明賞勅法以順禮制耳五名流正名列位言順事成矣六墨流清廟宗祀養老施慧也七縱

橫流謂受明使專對權事焉八雜流兼儒墨之銓含
名法之訓知國大體事無不貫矣九農流勸勵耕桑
備陳食貨耳弥天云史遷六氏道家為先班固九流儒宗為上
悉曇章 西域悉曇

章本是婆羅賀磨天所作自古迄今更無異書但點
畫之間微有不同悉曇此云成就所生悉曇章是生
字之根本說之為半餘章文字具足說名為滿又十
二章悉名為半自餘經書記論為滿類如此方由三
十六字母而生諸字澤州云梵章中有十二章其悉
曇章以為第一於中合五十二字悉曇兩字是題章
摠名餘是章體所謂 **毗伽羅** 章安疏曰此云字
惡阿乃至魯流盧樓

字之根本典籍音聲之論宣通四辯訶責世法讚出
家法言詞清雅義理深邃雖是外論而無邪法將非
善權大士之所為也故以此論喻方等經三藏傳云
其音不正正云毗耶羯刺誦感此翻為聲名記論以
其廣紀諸法能詮故名聲名記成劫初梵 **攝拖**
王說百萬頌住劫初帝釋略為十萬頌

苾𑖅 此云聲明西域記云開蒙誘進先遵十二
章七歲之後漸授五明大論言五明者一
曰聲明釋詁訓字詮自流別二工巧明伎術機關陰
陽曆數三醫方明禁呪閑邪藥石針艾四因明考定
正邪研覈真偽外道五曰內明究暢五乘因果妙理
大般若云五地菩薩覺五明此內五明也外五明者

前四明同。五曰符印。韋陀亦名吠陀。此云智論。知此生智。即邪智論亦翻無對舊云毗陀。

訛也。韋陀有四。一阿由此云方命亦曰壽謂養生。性。二殊夜謂祭祀祈禱。三婆磨謂禮儀占卜兵法軍。

陣。四阿達婆謂異能技數禁咒醫方。索隱引摩蹉伽經云初人名梵天造一韋陀。次有仙名白淨變一為。

四。一名讀誦。二名祭祀。三名歌詠。四名穰灾。次名弗沙。有二十五弟子各一韋陀。能廣分別。或云韋陀是。

符檄。漢書高紀曰檄以木簡為書長尺二寸用。徵召也。其有急事則加鳥羽插之示疾速也。法。

路瑟吒。或法樓謂北。僧佉論。正云僧企耶。此云數術文。

翻數論輔行云迦毗羅說經十萬偈。名僧佉論。用二十五諦明因中有果計一為宗。言二十五諦者。一者。

從真初生覺過八萬劫前冥然不知。但見最初中陰初起。以宿命力恒憶想之。名為真諦。亦云世性。謂世。

間衆生由真初而有。即世間本性也。亦曰自然。無所從故。從此生覺亦名為大。即中陰識也。次從覺生我。

心者。此是我慢之我。非神我也。即第三諦。從我心生色聲香味觸。從五塵生五大。謂四大及空塵。細大麤。

合塵成大。故云從塵生大。然此大生多少不同。從聲生空大。從聲觸生風大。從色聲觸生火大。從色聲觸。

味生水大。五塵生地大。地大藉塵多故。其力最薄。乃至空大藉塵少故。其力最強。故四輪成世界。空輪最。

下次風次火次水次地從五大生十一根謂眼等根能覺知故故名爲根名五知根手足口大小遺根能有用故名五業根心平等根合十一根心能徧緣名平等根若五知根各用一大謂色塵成火大火大成眼根眼根還具色空塵成耳根耳根還聞聲地成鼻水成舌風成身亦如是此二十四諦即是我所皆依神我名爲主諦能所合論即二十五

衛世師 正云鞞患皆此云無造但眼根火多乃至身根風多文見金七十論輔行云優樓僧佉此云休留仙其人晝藏山谷以造經書夜則游行說法教化猶如彼鳥故得此名亦名眼足其人在佛前八百年出世亦得五通說論十萬偈名

衛世師 **勒沙婆** 此云苦行以算數爲聖法造經十萬偈名尼乾子此三仙說無漏盡

通故唯五通宗鏡云迦毗羅計因中有果僧佉計因中無果勒沙婆計因中亦有果亦無果 **毗**

世 此云勝異論即六句義於實句中有九法地水火風空時方等計積極微以成器世間此外道

計極微常 **尼羅菽茶** 西域記云唐言青藏記住不滅言畫事各有司存史詰

摠稱謂尼羅菽茶善惡見舉災祥備著前漢書明劉歆七略輯略輯與集同師古曰謂諸書之摠要六藝略六經也諸子略詩賦略兵書略術數略占卜之書方技略醫藥之書說苑明人臣之行有六正六邪

者萌兆未現見存亡之機名爲聖臣二者進善通道
功歸於君名爲大臣三者卑身進賢稱古行事以勵
主意名爲忠臣四者明察早見終無憂患名爲智臣
五者守文奉法飲食廉節名爲貞臣六者國家昏亂
而不論犯主嚴顏言主之過身死國安名爲直臣阮
瑀論通士以四奇高入必有四難之忌言多方者中
難處也術饒津者要難求也意弘博者情難足也性
明察者下難事也阮瑀論質士以四短遠人必有四
安之報少言詞者政不煩也孟僂所以不寡知見者
能谷郊勞也齊慶封來聘
物不擾也叔孫與慶食不敬爲賊相鼠亦不知也
專一道者不思路伽耶應法師譯云順世本外道
散也混跡蔑
者民不備也

善論亦名師破弟子慈恩云此翻惡對答是順世者
以其計執隨于世間之情計也劉虬云如此土禮義

名教逆路伽耶陀應師云逆路底迦此云左
世天台曰此惡論亦名弟

子破師慈恩云此翻惡徵問左道惑世以其所計不
順世間故也劉虬云如此土莊老玄書故揚雄斥老

子曰槌提仁義絕滅禮學吾無取焉斥莊子曰齊生
死同富貴等貴賤其有權乎然此半滿兩乘東夏偏

弘邪正二教西域各習世尊預鑑以誠學焉故十誦
云好作文誦莊嚴章句是可怖畏不得作五分云爲

知差次會等學書不得爲好廢業不聽卜相及問他
吉凶四分開學誦學書及學世論爲伏外道故雜法

中。新學比丘。開學算法智論云。習外典如以刀割泥。泥無所成。而刀自損。言內外典者。二教論云。救形之教。稱爲外。濟神之典。典號爲內。智度有內外兩經。仁王辨內外二論。方等明內外兩律。百論言內外二道。通源記簡兩重內外。一約域。二約教。約域即以世間爲內。出世爲外。約教即以治心爲內。治身爲外。是則儒道之教。縱曰治心。且無出世之理。俱屬域內。釋氏之教。雖有治身。亦爲出世之因。俱屬域外。梁陳留處士阮孝緒字士宗撰七錄十二卷。一經典。二傳記。三子兵書。四文集。五術伎。此五名爲內篇。六佛法。七仙道。此二名爲外篇。南山以佛道爲方外之篇。起於是矣。莊子大宗師。孔子曰。彼游方之外者也。而丘游方

之內者也。通源記問彼既以道爲外。今何判屬內耶。答彼且以神仙道德之說。非如周孔治世之教。名爲外篇。今以佛教望之。其實域內之談耳。言儒教者。范曄云。碩德爲儒。揚雄云。通天地人曰儒。孔子姓孔。名丘。字仲尼。魯國鄒邑平昌闕里人。爲魯司寇。自衛反魯。刪詩書。定禮樂。修春秋。贊易道。以六經爲教也。言道教者。隋書經籍志云。蓋萬物之奧。聖人之蹟也。老子姓李。名耳。字伯陽。謚曰聃。楚苦縣厲鄉曲仁里人。爲周守藏室之吏。西入流沙。爲函谷關吏。尹喜說五千言。即道德二經。爲教也。言釋教者。老子西昇經云。吾師化游天竺。善入泥洹。符子云。老子之師。名釋迦。文釋迦所說之法。謂之釋教。後漢郊祀志云。佛教以

修善慈心為主。不殺生類。專務清尚。又以人死精神
不滅。隨復受形。所行善惡。後生皆有報應。所貴行善
以練其精神。練而不包。以至無生。而得為佛也。有經
書數千卷。以虛無為宗。包羅精粗。無所不統。善為
宏闊。勝大之言。所求在一體之內。所明在視聽之表。
玄微深遠。難得而測。故王公大人。觀生死報應之際。
無不據然自失也。寶王論曰。三教之理。名未始異。
理未始同。且夫子四絕中。一無我者。謙光之義。為無
我也。道無我者。長而不宰。為無我也。佛無我者。觀五
蘊空。為無我也。上二教門。都不明五蘊。孰辨其四諦。
六度。萬行。聖賢階級。蔑然無聞。但和光同塵。保雌守
靜。既慈且儉。不敢為天下先。各一聖也。安用商摧其

淺深。歟。三教無我明矣。弘明集云。秦景西使。歷騰
東來。道暢皇漢之朝。訓敷永平之祀。竺法蘭之入洛。
康僧會之游吳。顯舍利於南國。起招提於東都。南山
云。自教法東漸。亟涉窰。隆三被屏除。五遭拜伏。此
非休明之代。乃是暴虐之君。故使布令。非經國之謨。
乖常致良史之誦。事理難反。還習舊津。初東晉成
帝咸康六年。庾冰輔政。帝在幼沖。為帝出詔。令僧致
拜。時尚書令何充謝廣等。建議不合拜。徃反三議。當
時遂寢。安帝元初中。太尉桓玄上書。令拜尚書令
桓謙中書王謚等。枕諫曰。今沙門雖意深於敬。不以
形屈為禮。迹充率土。而趣超方內。是以外國之君。莫
不降禮。良以道在。則貴不以人為輕。重尋大法東流。

爲日諒久。雖風移政變而弘之不易。豈不以獨絕之
化。有日用於陶漸清約之風。無時害於隆平者乎。玄
又致書遠法師。遠著沙門不敬王者論五篇。其事由
息。及安帝返政。還崇信奉。有宋劉氏。雖孝武大明
六年。暫制拜君。卒依先政。中原元魏。太武真君七
年。道士寇謙司徒崔皓。讒於佛法。帝然之。遂滅佛法。
逃僧梟斬。後延曇始頂禮悔過。廢經五載。帝被癘疾。
遂誅崔氏。還興佛法。自晉失御。中原國分十六。斯
諸偽政信法。不屬。唯赫連勃勃。據有夏州。兇暴無厭。
以殺爲樂。背像背上。令僧禮之。後爲天震而死。及葬
又震出之。其子昌襲位。破長安。滅佛法。逢僧斬戮。沙
門曇始被刃。不傷。因爾改心。尋爲北朝後魏所滅。

周武帝初信佛法。後納道士張賓及前僧衛元嵩之
讒。將除佛教。安師著二教論。抗云。九流之教。教止其
身。名爲外教。三乘之教。教靜其心。名爲內教。老非教
主。易謙所攝。帝聞之。存廢理乖。遂雙除并。不盈五載。
身歿。移隋。煬帝嗣錄。改革前朝。雖令致敬。僧竟不
屈。唐祖太武出沙汰佛道。詔太宗制拜君親勅。威
秀道宣等上表。及臣僚書國議不行。武宗會昌五
年。道士劉玄靜趙歸真。非毀釋氏。沙汰佛寺。六年。帝
崩。宣帝立。復佛寺。誅劉玄靜。毀罪通源記云。或責梁
武崇佛。卒有侯景之敗者。蓋不知業通三世。因緣會
遇。果報還受之義。故文中子曰。詩書盛而秦世滅。非
仲尼之罪也。玄虛長而晉室亂。非老莊之罪也。齋戒

修而梁國亡非信釋迦之罪也此說明矣吳書云吳主問三教尚書令闕
澤對曰孔老設教法天制用不取違天佛之設教諸天奉行

翻譯名義集五

夫世士墮於積故雖真非覺器人心必於物表六事
亦宜樂上奉交自於善國無不許
區區時本左出必太制首隨夫
良應慈訓 謝帝國給文華前
主以端放附帝開家林德
長安高本燈三乘之塔
新到物卷突補卷二
國法亦時計制

